

地360.13
42
部206

息烽縣志
六



息烽縣志卷十六

方物志

動物部

鱗介類

鯉 爾雅鯉郭註今赤鯉魚詩陳風豈其食魚必河之鯉又小雅魚雁於留鯉鯉古樂府客從遠方來遺我雙鯉魚崔豹古今注兗州人呼赤鯉為赤驥謂青鯉為青馬黑鯉為玄駒白鯉為白騏黃鯉為黃騏正字通神農書曰鯉為魚王無大小脊旁皆有三十六鱗上有小黑點文廣雅黑鯉謂鯿蘇頌曰處處有之諸魚惟此最佳故為食品上味李時珍曰鯉鱗有十字文理故名鯉雖困死

息烽縣志

卷之十六 動物部 鱗介類

一

而鱗不反白郝懿行曰所見有赤黑黃三種今按縣之所產厥為赤鱗溪澗池澤中固無不見也

鱣 說文鱣魚名詩齊風其魚魴鱣毛傳魴鱣大魚也鄭箋鱣似魴而弱鱗陸璣疏鱣似魴厚而頭大魚之不美者其頭尤大而肥者徐州人謂之鯪或謂之鱣幽州人謂之鴟鴞或謂之胡鱣潘岳西征賦素鱣揚緒陸佃埤雅鱣好羣行相與也故曰鱣相連也故曰鯪李時珍曰處處有之狀如鱣而頭小形扁細鱗肥腹其色最白今按縣人之名此為鯪幾為不易矣

鱣 說文鱣魚名一名鱣魚史記司馬相如傳鯪鱣鯪鮪鮪鮪郭璞曰鱣似鯪而黑正字通似鯪大頭細鱗目旁有骨



李時珍曰此魚中之下品蓋魚中之庸常以供饕餮食者故曰鱠曰鱠處處有之狀似鯉而色黑其頭最大有至四五十斤者味亞於鯉今按縣人則名此為胖頭魚

一名鮒易井谷射鮒儀禮士昏禮魚用鮒莊子外物篇車轍有鮒魚馬戰國策所謂無雉兔鮒魚者也劉劭七華洞庭之鮒出於江岷紅腴青顛朱尾碧鱗杜甫詩鮮鮒銀絲膾段成式酉陽雜俎洞庭之鮒陸佃曰此魚好旅行吹沫如星以相即謂之鮒以相附謂之鮒韓保昇曰所在池澤有之形似小鯉色黑而體促腹大而脊隆大者至三四斤李時珍曰鮒喜偎泥不食雜物故能補胃冬月肉厚子多其味尤美今按貴州人通呼鮒壳魚

息烽縣志

卷之十六 動物部 鱗介類

縣人仍之

鮒 爾雅鮒郭註別名鯉江東通呼鮒為鯉說文鯉大鮒也左思蜀都賦鯉鱧鮒李善註鯉似鮒陶註本草別錄鯉即鯉也今人皆呼慈音即是鮒魚羅願爾雅翼鯉魚偃額兩目上陳頭大尾小身滑無鱗謂之鮒魚言其黏滑也李時珍曰鮒乃無鱗之魚大首偃額大口大腹鮒身鱧尾有齒有胃有鬚生水者色青白生水者色青黃大者亦至三四十斤凡食鮒先割翅下懸之則涎自流盡不黏滑也今按此亦貴州皆有之物縣境諸流中時為漁人捕得惟鮒與又名鱣之鯉音近人遂有混呼係一物者茲故別而出之

鯢

爾雅鯢大者謂之鰕郭註今鯢魚似鮎四脚前似獼猴後似狗聲如小兒啼大者長八九尺逸周書王會篇獼人前兒前兒若獼猴立行聲似小兒蓋前兒之兒即鯢字古通用也山海經泱泱之水其中多人魚其狀如鯢魚四足其音如嬰兒食之無癡疾史記秦始皇本紀始皇帝之葬以人魚膏為燭徐廣註人魚即鯢又司馬相如傳禺禺鱸鮒徐廣註鮒一作鮪張揖廣雅鮒鯢也酈道元水經伊水注引廣志鯢魚聲如小兒啼有四足形如鯪鯉太平御覽引異物志鯢魚有四足如鼈而行疾有魚之體而以足行故曰鰕魚含水仰天不動小鳥就飲因而吞之陳藏器曰鯢生山溪中似鮎有四足長尾

息烽縣志

卷之十六 動物部 鱗介類

三

能上樹天旱則含水上山以草葉覆身張口鳥來飲水因吸食之聲如小兒啼李時珍曰鯢聲如小兒故名即鯢魚之能上樹者鯢魚一名人魚一名孩兒魚生江湖中形色皆如鮎鮠腹下翅形似足其顛頰軋軋音如兒啼即鯢魚也生溪澗中形聲皆同但能上樹乃鯢魚也蜀人名鮒秦人名鮪今之考動物者其說人魚則都非前代所舉之鯢與鯢乃儒艮或海牛之謂然皆產之海中茲固不能涉及惟其說鯢魚也則與昔不殊而又不言鯢若在貴州之有鯢魚則潯水沅水溱水延水及南明水蓋常見之然數十年前大多不敢以充食總以形狀不類常魚無不目之若鬼怪者據遵義府志之所說

嘉慶中桐梓水漲有一媪至魁巖民家乞食民家食米
豆飯與一缶媪緣河去午後此民捕得一哇哇魚甚巨
剖其腹前飯在焉大駭棄之此言而出之村翁村姑固
津津然有味矣奈何鄭氏厥號宿儒亦效茲口吻乎搜
神志怪昔非不有其人與其書第不欲以是望之子尹
也今會城及他境有產是物者固無不食之蓋又多謂
之為哇哇魚或謂之為狗魚縣之漁人時於境內諸流
捕得亦不敢以為食村翁村姑即不大驚小怪如昔時
亦必以放生而修陰德為言其實懼禍之心終強於惜
福也

魴魚

爾雅魴鮓郭註江東呼魴魚為編一名鮓詩周南魴

息烽縣志

卷之十六 動物部 鱗介類

四

魚類尾又陳風豈其食魚必河之魴又小雅魚雁於留
魴鱧陸璣曰魴今伊洛濟潁魴魚也廣而薄肥恬而少
力細鱗魚之美者遼東梁水魴特肥而厚尤美於中國
魴故其鄉語曰居就糧梁水魴李時珍曰處處有之漢
沔尤多小頭縮項穹脊濶腹扁身細鱗其色青白腹內
有肪味甚腴美今據訪冊有細鱗之名夫魚之為類自
澗溪以迄海洋考索至今猶有未極其量者然而皆具
專書以名以形若魚之有名有形而又為細鱗者則亦
難勝其指從未見直以細鱗為之名也村漢俚夫不解
何以為名何以為形偶見一物即以其淺顯奪目之處
隨意呼之若是之倫亦何足責若既執筆以說物物猶

循是塗轍其亦何以徵信乎縣之細鱗纂者未見其形故舉魴魷或編以當之不然或鱗魚乎鱗魚又名鯿魚則爾雅之所謂鯿鱧刀也不然則更俟之來哲

石魴魚 陳藏器本草拾遺生南方溪澗中長一寸按遵義府志有白小而不言其形似今縣之訪冊亦列白小以為俗名秧柯魚夫白小及秧柯魚之名諸書皆未之見也得非即本草拾遺之石魴魚乎

白鰮魚 爾雅鰮黑鰮郭註即白鰮魚江東呼為鰮詩周頌鰮鱣鯉莊子鯿魚從容出游是魚樂也說文鯿魚鯿即鰮玉篇鰮或作鮪羅願爾雅翼其形纖細而白故曰白鰮陸佃埤雅鰮魚形狹而長江湖之間謂之鯿魚李

息烽縣志

卷之十六 動物部 鱗介類

五

時珍曰鰮條也鰮繁也鰮囚也條其狀也繁其色也囚其性也生江湖中長僅數寸形狹而扁狀如柳葉鱗細而整潔白可愛性好羣遊孫星衍曰鯿古多為鯿鯿字缺壞作黑耳郝懿行曰今俗呼白鰮為白漂蓋語聲之譌今縣境諸流中則皆有之

鯖

一名青魚左思吳都賦龜籠鯖鰻蘇頌圖經本草青魚古作鯖字生江湖間南方多有取無時以作鮓所謂五侯鯖也張自烈正字通形似鯢青色俗呼烏鰮李時珍曰以色名也大者又名鱧魚今按縣之訪冊有烏魚以為背純黑但烏魚之名雖一見於楊慎之異魚圖贊更甚聞於俗稱且異魚圖贊曰烏魚戴星禁在仙經鯢鰮

鱧蠡紛其別稱其膽獨白以是為微玩其辭蓋未及鯖也惟正字通有烏鰻之說則今之所謂烏魚者儻亦烏鰻之謂以鯖當之雖不中不遠矣

黃鰻魚 一名黃姑魚一名黃骨魚李時珍曰魚腸肥曰鰻此魚腸腹多脂漁人煉取黃油然燈甚鯉也南人訛為黃姑北人訛為黃骨生江湖中狀似白魚而頭尾不昂扁身細鱗白色濶不逾寸長不近尺可作鮓菹煎炙甚美胡世安異魚圖贊補其贊黃鰻魚曰黃鰻小魚身扁鱗白濶不逾寸長不近尺可充鮓菹宜於燂炙黃姑黃骨訛於南北今按訪冊有黃臘丁之名此名蓋亦習聞於他縣人之口然故籍皆鮮見茲請以黃鰻魚正之

息烽縣志

卷之十六 動物部 鱗介類

六

鱧魚 一名鰻魚一名鱣魚一名蠡魚一名黑鱧一名玄鱧一名烏鱧一名文魚今名七星魚爾雅鱧郭註鰻也說文鱣鰻也廣雅鱣鰻鰻也埤雅鱧今玄鱧是也諸魚中惟此魚膽甘可食有舌鱗細有花紋一名文魚與蛇通氣其首戴星夜則北嚮爾雅翼鱧魚圓長而斑點有七點作北斗之象詩小雅魚麗於罍魴鱧韓詩外傳君子不食鱧魚陸璣詩疏似鯉頰狹而厚陶弘景曰處處有之言是公蠺蛇所化然亦有相生者性至難死李時珍曰首有七星夜朝北斗有自然之禮故謂之鱧又與蛇通氣色黑北方之魚也故有玄黑之名俗呼火柴頭魚即此也其小者名鰻魚形長體圓頭尾相等

細鱗玄色有斑點花紋頗類蝮蛇有舌有齒有肚背腹有鬣連尾尾無歧形狀可憎氣息腥惡食品所卑南人有珍之者北人尤絕之道家指為水厭齋錄忌之今之考動物者為說概無大異比聞他縣人言或罾或釣而獲此者以為不祥必具香帛虔拜而放諸深淵以禳解之此固沿於道家之說而無與於人事若縣境之眾流中時亦或遺斯魚縣人之有拘忌者當亦不異他縣真無謂之至矣

金魚 張華博物志金魚出泐婆塞江任昉述異記晉桓冲遊廬山見湖中有赤鱗魚僧贊寧物類相感志金魚食橄欖渣肥皂水即死得白楊皮不生蟲李時珍曰金魚

息烽縣志

卷之十六 動物部 鱗介類

七

有鯉鯽鯢鯪數種鯢鯪尤難得獨金鯽耐久前古罕知今則處處人家養玩矣春末生子於草上好自吞噉亦易化生初出黑色久乃變紅又或變白者名銀魚亦有紅白黑斑相間無常者其肉味短而韌今之談動物者以為一名錦魚乃鮒之變種體形似鮒亦有頭腹俱大而粗短者鰭皆大尾多分為三葉或四葉而披散全體赤或白有金光甚惹目間有蒼黑色體長二三寸偶有達三四尺者自宋代始有人畜之今則多飼於缸中缸以生苔口潤返光者為佳夏秋暑熱時必隔一日另換新水養熟者見人不避拍指可呼本中國之原產而歐美兩洲之人見亦多飼之以增賞玩其種有霓仙鳧尾

龍馬錦章赤鮒金鯽和金琉金蘭鑄秋錦金盃金鞍錦
被金襴子朱文金朝天眼印頭紅裏頭紅連鰓紅首尾
紅鶴頂紅六鱗紅玉帶圍點絳昏等其眼則有黑眼雪
眼珠眼紫眼瑪瑙眼琥珀眼之分要皆隨地異名或不
一定若縣人之畜玩是魚者未必盡有以上諸種大率
呼之龍眼鳳眼其色或金或紅或黑或白數種而已

鱮魚

一名鰓魚一名泥鱮鱮字亦作鰓爾雅鰓鱮郭注今

泥鱮邢疏穴於泥中荀子富國篇鰓鰓魚鰓鱮鱮以時
別一而成羣莊子齊物論鱮然乎哉又庚桑楚尋常之
溝巨魚無所旋其體而鯢鱮為之制陸佃埤雅鱮性酋
健好動善優故名李時珍曰泥鱮生湖池長三四寸沈

息烽縣志

卷之十六 動物部 鱗介類

八

於泥中狀微似鱮而小銳首肉青黑色無鱗以涎自染
滑疾難握與他魚牝牡今縣之下田淺淖中恒多有之
村農及苗人每以為食其售於市者則取以備藥用又
常以之飼家狸也

鱮魚

一名黃鱮鱮字或作鰓作鱮山海經北山經湖灌之

山湖灌之水出焉而東流注於海多鰓魚淮南子覽冥
訓蛇鱮著泥司馬光類篇蛇鱮黃質黑文羅願爾雅翼
鱮似蛇無鱗體有涎沫夏月於淺水作窟蘇頌圖經本
草鱮似鰓鱮而細長亦似蛇而無鱗有青黃二色生水
岸泥窟中李時珍曰黃質黑章體多涎沫大者長二三
尺夏出冬蟄一種蛇變者名蛇鱮有毒害人南人鬻鱮

肆中以缸貯水畜數百頭夜以燈照之其蛇化者必項下有白點通身浮水上即棄之或以蒜瓣投於缸中則羣鱓跳躑不已亦物性相制也今縣人當夏之時亦多有取而食之者蛇鱓之說又縣人及他縣人類如是稱之第亦尠有被其毒者入藥則俚醫取用為多

鰕

爾雅鱽大鰕郭注鰕大者出海中長二三尺鬚長數尺今青州呼鰕魚為鱽李時珍曰江湖出者大而色白溪池出者小而色青皆磔鬚鉞鼻背有斷節尾有硬鱗多足而好躍其腸屬腦其子在腹外凡有數種米鰕糠鰕以精粗名也青鰕白鰕以色名也梅鰕以梅雨時有也泥鰕海鰕以出產名也凡鰕之大者蒸曝去殼謂之鰕

息烽縣志

卷之十六 動物部 鱗介類

九

米食以薑醋饌品所珍字亦作蝦入湯則紅色如霞也今按縣之村人多以秋時於溪田網取曝乾而售之市種惟米鰕糠鰕二者

蠃

一名螃蠏一名郭索一名橫行介士一名無腸公子陶弘景曰蠃類甚多螯蚌擁劍蠃蝟皆是並不入藥海邊又有蠃蜺似蠃蝟而大似蠃而小不可食蔡謨初渡江不識蠃蜺噉之幾死嘆曰讀爾雅不熟為學者所誤也蘇頌曰淮海汴京河北陂澤中多有之人以為食品味佳其類甚多六足者名蛻四足者名牝皆有大有毒不可食其殼潤而多黃者名蠃生南海中其螯最銳斷物如芟刈也其扁而最大後足濶者名螯蚌南人謂之撥掉

子以其後脚如掉也一名蟬隨潮退殼一退一長其大者如升小者如盞楪兩螯如手所以異於眾蟬也其力至強能與虎鬥一螯大一螯小者名擁劍一名桀步常以大螯鬥小螯食物又名執火以其螯赤也其最小無毛者名蟻蝟吳人訛為螯越爾雅云蝟蟻小者螳郭注云即螯蝟也寇宗奭曰此物秋初如蟬蛻殼取者以八月月伺其出水而拾之夜則以火照捕李時珍曰橫行甲蟲外剛內柔雄者臍長雌者臍團腹中之黃應月盈虧其性多躁引聲嚙沫至死乃已生於流水者色黃而腥生於止水者色紺而馨霜前食物故有毒霜後將螯故味美生溪澗石穴中小而殼堅赤者石蟬也野人食

之更可治漆瘡今按縣之此產乃色黃而腥者既不中食縣人亦少有嗜蟬之癖山國積習大抵如此

龜

古人以為靈物故卜筮重之卜取龜殼而筮用著草其稱人之智多擬之著龜自漢而後世變日繁淳風慨遠卜筮之道雖未廢而其器物尤不如拘泥故著龜亦漸不見重唐宋而還乃歷無繆文士之惡謔其風既煽於是龜之為物不知其若何可卑可賤而人皆諱言之其實一介蟲也何功於前代又何過於後人而升之降之究於斯物有何損益惟龜之壽命至為延長約可二百餘年較之人及諸物皆所不及其有以為五百歲或千歲者亦故甚其辭之讐言非確論也入藥則具見諸家

本草而人猶以此需之其類則山龜水龜其見之爾雅者曰神龜曰靈龜曰攝龜曰寶龜曰文龜曰筮龜曰山龜曰澤龜曰水龜曰火龜又三足者曰賁其他諸書所載則有秦龜螭龜綠毛龜瘞龜鵝龜旋龜呬蛇龜陵龜鴛龜蠅龜白龜綠龜齧龜錢龜象龜黃龜湘龜非國內之產且有髭龜其異呼又有玄衣督郵綠衣使者螭螭靈螭龜龜龜龜龜龜龜則為龜之別種一名撒八兒甚為飾器之佳品此蓋古今類龜之大畧也山龜水龜則無地不產縣亦何得獨缺山中水中當有是物也

鼈 一名神守一名河伯從事一名團魚今貴州人乃多呼脚魚周禮天官鼈人掌取互物以時措魚鼈龜蜃禮內

息烽縣志

卷之十六 動物部 鱗介類

十一

則鼈去醜又中庸鼈鼈蛟龍魚鼈生焉詩小雅魚鼈膾孔子家語鼈鼈魚鼈弗能居也淮南子說林訓鼈無耳而目不可瞥精於明也陸佃曰鶴影生鼈思生鼈伏於淵而卵剖於陵此以思化也李時珍曰鼈行蹙蹙故謂之鼈水居陸生穹脊連脇與龜同類四緣有肉裙故曰龜甲裏肉鼈肉裏甲卵生思抱其狀隨日影而轉在水中上必有浮沫名鼈津人以此取之今有呼鼈者作聲撫掌望津而取百十不失藥多用甲以煨龜灰一斗酒五升浸一夜煮令爛如膠漆用更佳按今縣人有嗜食其肉者甲入藥用亦與舊說不殊

羸 字亦作螺或作蠡或作蝸亦有綴一螭字而言羸螭者

爾雅羸小者蝨易說卦傳離為羸為蚌國語吳語其民必移就蒲羸於東海之濱山海經槐江之山丘時之水出焉其中多羸母郭璞江賦鸚羸蛟蝸註引南州異物志曰鸚鵡羸狀如覆杯頭如鳥頭向其腹視似鸚鵡故名陶弘景曰田螺生水田中及湖濱岸側形圓大如梨橘小者如桃李韓保昇曰狀類蝸牛而尖長青黃色春夏采之李時珍曰螺蚌屬也大者如斗出日南漲海中香螺屬可雜甲香老鈿螺光彩可飾鏡背者紅螺色微紅青螺色如翡翠蓼螺味辛如蓼紫貝螺即紫貝也鸚鵡螺質白而紫頭如鳥形其肉常離殼出食出則寄居蝨入居螺還則蝨出肉為魚所食則殼浮出人因取之

息烽縣志

卷之十六 動物部 鱗介類

作杯其名田螺者其殼旋文其肉視月盈虧蝸螺則又名螺螄師衆多也其形似蝸牛其類衆多故有二名處處湖溪有之江夏漢沔尤多大如指頭而殼厚於田螺惟食泥水春月人采置鍋中蒸之其肉自出酒烹糟煮食之清明後其中有蟲不堪用矣今按縣之所有多田螺與蝸螺二種然人多不辨又皆以螺螄通呼之以為食品者更不恒見入藥用者則比比而然

蚌

爾雅蚌蠃蚌含漿周禮天官鼈人祭祀供蠃羸蚘以授醢人鄭注引杜子春云蠃蚌也按蚌字即蚌書禹貢淮夷墳珠暨魚孔疏墳蚌也左思吳都賦蚌蛤珠胎與月虧全陳藏器曰生江漢渠瀆間老蚌含珠殼堪為粉非

大蛤也李時珍曰蚌與蛤同類而異形長者通曰蚌圓者通曰蛤故蚌從丰蛤從合皆象形也後世混稱蚌蛤者非也蚌類甚繁處處江湖中有之惟洞庭漢沔獨多大者長七寸狀如牡蠣輩小者長三四寸狀如石決明輩其肉可食其殼可為粉湖沔人多印成錠市之謂之蚌粉亦曰蛤粉古人謂之蜃灰以飾牆壁闈墓壙如今用石灰也郝懿行曰蚌蛤二物古每通名廣雅云蜃蛤蒲盧也鄭注鼈人云蜃蛤也韋曜注晉語云蛤蜃皆蚌類高誘注淮南道應篇云蛤梨海蚌也此皆通名若其正稱長則為蚌圓則為蛤蓋蚌類多葬伏泥中含肉而饒漿今江湖陂澤此類實繁形修而扁如石決明而殼亦甚聞有食其肉者殼則取以代匙用要多為小孩玩具

息烽縣志

卷之十六 動物部 鱗介類

蜆

一名扁螺隋書劉臻傳臻好啖蜆以父諱蜆因呼蜆為扁螺陳藏器曰處處有之小如蚌黑色能候風雨以殼飛李時珍曰蜆蜆也殼內光耀如初出日采也漢湖中甚多其類亦夥大小厚薄不一漁家多食之今之談動物者以為一科其說曰殼形畧似心臟左右兩殼同形殼外有同心之輪紋約三十層表皮暗褐稍帶黃殼內面紫白色殼頂膨起黑色但多脫去表皮露出石灰質

鉸合部有主齒三在中央者最大側齒前後各一頗長外韌帶堅強殼緣呈鋸齒狀外套膜厚其痕稍彎曲大者殼長約一寸高六七分產於河川湖沼間好棲於泥質之水底肉可食味不甚佳殼可煨灰其別種則有土蛻黃蛻烏蛻溝蛻之分其說溝蛻也則曰殼形畧圓而質薄主齒微弱側齒側扁為囊狀在前方者短外韌帶不長殼之長徑約二分半按此則貴州轄境內所有者溝蛻也會城則通以海虵呼之夫海虵乃貝之一種此物何得而冒其稱若縣之溪澗陂池中又何在不多是物惟其通呼之不異會城曾不可也爰為正之

鮫鯉

一名龍鯉一名穿山甲一名石鮫魚陶弘景曰形似

息烽縣志

卷之十六 動物部 鱗介類

十四

鼉而短小又似鯉而有四足黑色能陸能水日中出岸張開鱗甲如死狀誘蟻入甲即閉而入水開甲而蟻浮出因接而食之蘇頌曰鮫鯉即穿山甲也生湖廣嶺南及金商均房諸州深山大谷中李時珍曰其形肖鯉穴陵而居故曰鮫鯉而習稱穿山甲郭璞江賦謂之龍鯉臨海記以其尾刺如三角菱故謂之石鮫魚狀如鼉而小背如鯉而濶首如鼠而無牙腹無鱗而有毛長舌尖喙尾與身等尾鱗尖厚有三角腹內臟腑俱全而胃獨大常吐舌誘蟻食之曾剖其胃有蟻升許入藥用甲性竄而行血效至迅速肉則氣味俱惡不中食今之考動物者以為形畧似食蟻獸性亦頗同其舌細長便於伸

入蟻穴而掠食巢營於巖窟及土穴中無害於人其鱗片供藥用今按貴州轄境皆有此物而縣人則多獵取其甲以售之藥肆時有獲其生者雖非猛惡之族狀則至可使人怖也

石龍子 守宮 一名山龍子 一名泉龍 一名石蜴 一名蜥
蜴 一名豬婆蛇 一名守宮 其守宮 一名壁宮 一名壁虎
一名蠍虎 一名蠃蜓 今貴州人則多呼山中者為四脚
蛇屋壁間者為爬壁虎爾雅蝾螈蜥蜴蜥蜴蠃蜓蠃蜓
守宮也周禮冬官考工記梓人以胸鳴者鄭注胸鳴蝾
螈屬詩小雅哀今之人胡為虺蜴傳蜴蝾也說文易字
篆文象形蜥易蠃蜓守宮也在壁曰蠃蜓在草曰蜥易

息烽縣志

卷之十六

動物部

鱗介類

十五

又蝾螈蛇醫揚雄方言守宮秦晉西夏謂之守宮或謂
蠃螈或謂之刺易其在澤中者謂之易蜴南楚謂之蛇
醫或謂之蝾螈東齊岱之間謂之蠃螈北燕謂之祝蜓
陶弘景曰其類有四種形大純黃者為蛇醫亦名蛇舅
母不入藥用似蛇醫而形小尾長見人不動者為龍子
形小而五色尾青碧可愛者為蜥蜴並不螫人一種緣
籬壁形小色黑者為蠃蜓言螫人必死然未聞中之者
蘇恭曰龍子即蜥蜴形細而長尾與身類似蛇有四足
去足便是蛇形以五色者為雄入藥良色不備者力劣
也蛇師生山谷頭大尾小而短色青黃或白斑也蠃蜓
生人家屋壁間似蛇師即守宮也一名蝾螈爾雅互言

之蘇頌曰爾雅以蝾螈蜥蜴蝘蜓守宮為一物方言以
在草為蜥蜴蛇醫在壁為守宮蝘蜓守林以蝾螈為蛇
醫據諸說當以在草澤者為蝾螈蜥蜴在屋壁者為蝘
蜓守宮也入藥以草澤者為良李時珍曰生山石間者
曰石龍即蜥蜴俗呼豬婆蛇似蛇有四足頭扁尾長形
細長六七寸大者一二尺有細鱗金碧色其五色全者
為雄生草澤間為蛇醫又名蛇師蛇舅母水蜥蜴蝾螈
俗亦呼豬婆蛇蛇有傷則銜草以敷之故得諸名狀同
石龍而頭大尾短形粗其色青黃亦有白斑者不入藥
用生屋壁間曰蝘蜓即守宮也似蛇醫而短小灰褐色
並不螫人以其善捕蠍蠅故得虎名郝懿行曰登萊人

息烽縣志

卷之十六 動物部 鱗介類

十六

謂守宮為蠍虎青斑色好在壁間即蝘蜓矣其在草中
者形細長黃斑色謂之馬蛇子即蜥蜴矣蜥蜴蛇醫聲
之轉耳今之考動物者則以蝾螈自蝾螈一類而多至
十餘種多棲於水蜥蜴即石龍子不混守宮之名蝘蜓
即守宮又皆一類數種較李時珍郝懿行之說更為詳
確縣之所產草澤多蜥蜴屋壁即蝘蜓蝾螈蓋未見也
烏蛇 一名烏稍蛇一名黑花蛇張鷟朝野僉載商州有人

患大馬風家人惡之山中為起茅屋有烏蛇墮酒罌中
病人不知飲酒漸瘥罌底見有蛇骨始知其由馬志曰
烏蛇生商洛背有三棱色黑如漆性善不噬物江東有
黑稍蛇能纏物至死亦此類也蘇頌曰常在蘆叢中吸

南風及其花氣最難取捕多於蘆枝上得之其身烏而光頭圓尾尖眼有赤光至枯死眼不陷如活者作偽者用他蛇薰黑亦能亂真但眼不光耳寇宗奭曰烏蛇脊高世稱劍脊烏稍尾細長能穿小銅錢一百文者佳有身長丈餘者其性畏鼠狼蛇類中惟此入藥最多李時珍曰烏蛇有二種一種劍脊細尾者為上一種長大無劍脊而尾稍粗者名風稍蛇亦可治風而力不及今之談動物者乃有烏條蛇煇尾蛇黑蛇黑脊蛇標蛇之五種要皆舊稱烏蛇之類縣之原野間亦恆見之人多捕得以為藥

黃領蛇 一名黃喉蛇李時珍曰黃領黃黑相間喉下色黃

息烽縣志

卷之十六 動物部 鱗介類

十七

大者近丈皆不甚毒馬兒多養為戲弄死即食之今之談動物者則曰頭部較小舌分歧無毒牙有多數褐色橫紋腹面全白棲於人家附近或潛入屋內食鼠雀鷄卵等今按蛇蛻亦多取此種縣境固無在無之然人多呼之為構皮斑云

赤棟蛇 一名赤連蛇一名桑根蛇李時珍曰赤棟紅黑節節相間儼如赤棟桑根之狀今之談動物者曰體色淡黃有黑斑體旁或有赤斑腹面暗色性勇敢遇敵不懼必向前進迫之今按縣人多呼此蛇為野鷄項人若遇之或有為其追逐者向前進迫之說固不虛也

菜花蛇 李時珍曰菜花蛇有長大者黃綠色醫方間用之

今之談動物者乃名之為縞蛇體有蒼色邊緣旁多點列頭之後半部有黑緣之褐色斑今按此蛇亦常棲近人居之草叢中其食雀鼠與黃領赤棟不殊縣之四境固亦常見

青蝱

一名竹根蛇葛洪肘後方青蝱不入藥用最毒喜緣竹木與竹同色大者長四五尺今之談動物者以為前部所被之甲板排列整齊眼內瞳孔橢圓背面橄欖色又暗褐或灰色脊上有煤黑色或褐色之棘鏈狀條紋體旁有區畫不明之斑眼至頸有一暗色紋腹部黑今縣地有之人若被其齧噬不速治之為害亦烈

蝮蛇

一名反鼻蛇爾雅蝮虺博三寸首大如擘說文蝮虫

息烽縣志

卷之十六 動物部 鱗介類

十八

也又云虫一名蝮博三寸首大如臂指葛洪曰蛇類最多惟蝮中人甚疾但即時以刀割去創肉投於地其沸如火灸須臾焦盡人乃得活陶弘景曰蝮蛇黃黑色如土白斑黃領尖口毒最烈蘇恭曰蝮蛇作地色鼻反口長身短頭尾相似山南漢沔間多有之柳宗元蝮蛇文云目兼蜂蠆色混泥塗其頸蹙而其腹次且褰鼻鉤牙穴出榛居蓄怒而蟠銜毒而趨蘇頌曰蝮蛇形不長頭扁口尖頭斑身赤文斑亦有青黑色者人犯之頭足貼著草行不可不慎陳藏器曰蝮蛇錦文亦有與地同色者衆蛇之中此獨胎產著足斷足著手斷手不爾合身糜爛七八月毒盛時齧樹以洩其毒樹便死又吐涎沫

於草木上著人成瘡身腫名曰蛇漢瘡卒難治療方與蛇螫同李時珍曰蝮蛇惡物也而能治癩疾以毒物而攻毒物蓋從其類也今之談動物者說雖似新要皆不異於昔嘗聞中國之毒蛇南方產者為多貴州之地實亦中國之南而迤西者也烏在不有此惡類縣地所居則幾為省境之腹山野之中要不免育此所幸尠見遭其害者故尋常之人亦未及留意然而有非偏陬絕繳其所產之惡物殘害人羣至於十年而無已者蓋有之矣若縣地之有蝮蛇究亦何患

虺 一名虺陶弘景曰虺形短而扁又曰虺一名虺短身土色而無文李時珍曰虺與蝮同類即虺也長尺餘蝮大

息烽縣志

卷之十六 動物部 鱗介類

十九

而虺小其毒則一今之談動物者亦曰虺一名虺體比蝮蛇小土色無文蟠時不圓亂屈如狗糞故又謂之狗糞蝮亦有劇毒今按虺之與虺李時珍郝懿行並疑為一字而互作或體其說極是若縣地之有虺當即實非無蝮之意以推知之更徵之陽明先生之瘞旅文則益知其有之瘞旅文不云陰壑之虺如車輪乎然虺形短小如車輪之稱或亦不免言之過甚要之斷章取義非必以是而遂病夫陽明先生之為文也

青竹標 此蛇長不及二尺大不過食指全體純綠頭扁尾細其性至毒時於道旁草際逐人而嚙啞被其害者頗費治療貴州之人多以斯名習呼之按之前籍蓋不畧

見惟今之談動物者則有竹葉青一名青竹絲之說以
為全體綠色在草叢及樹葉之間頗難發見常含有劇
毒傷人其為此物無疑縣之境內每當夏令令人恒見之
亦多知其為毒蛇每毆斃之

白花蛇 一名蘄蛇一名褰鼻蛇一名五步蛇一名百步蛇

柳宗元捕蛇者說永州之野產異色黑質而白章觸草
木盡死以嚙人無禦之者然得而腊之以為餌可以已
大風孿踠癘癘去死肌殺三蟲馬志曰白花蛇生南地
蜀郡諸山中蘇頌曰黔中及蘄州鄧州皆有之其文作
方勝白花喜螫人足黔人有被螫者立斷之續以木脚
此蛇入人屋室中作爛瓜氣者不可嚮之須速辟除寇

息烽縣志

卷之十六 動物部 鱗介類

二十

宗奭曰諸蛇鼻向下此獨向上李時珍曰湖蜀皆有今
惟以蘄蛇擅名然蘄地亦不多得市肆所貨官司所取
者皆自江南興國州諸山中來其蛇龍頭虎口黑質白
花脇有二十四個方勝文腹有念珠斑口有四長牙尾
上有一佛指甲長一二分腸形如連珠多在石南藤上
食其花葉人以此尋獲先撒沙土一把則蟠而不動以
叉取之用繩懸起剗刀破腹去腸物反尾洗滌其腹乃
以竹支定屈曲盤起紮縛炕乾出蘄地者雖乾枯而眼
光不陷他處則否然今蘄蛇亦不甚毒則黔蜀之蛇雖
同有白花而類性不同矣今之談動物者以為頭如犁
鏡狀鼻反鉤吻尖頭部黑褐面部有黑褐色條紋背部

灰白體旁有三角形黑紋故背上見灰白色方勝紋腹面白羅列多數黑斑尾端側扁口具管牙含劇毒人被螫後越五步或百步即難自振故以是名多產於揚子江沿岸及南方各處據以上諸說則貴州轄內何嘗竟少是物縣當貴州之腹雖不常見要亦循所聞而備列焉

水蛇 一名公蠮蛇李時珍曰所在有之生水中大如緋黃黑色有纈紋嚙人不甚毒水中又有一種泥蛇黑色穴居成羣嚙人有毒今按二物凡在縣之溪澗池澤中靡不有之釣者嘗者間有所獲則旋棄之水中亦甚聞有被其嚙者